

Y Pwyllgor Deisebau

PET(3)-04-08 (p5): 06 Mawrth 2008

Y wybodaeth ddiweddaraf am ddeisebau blaenorol

Mae'r papur hwn yn rhestru'r wybodaeth ddiweddaraf a gafwyd am ddeisebau a ystyriwyd yn flaenorol gan y Pwyllgor. Derbyniwyd llawer o'r wybodaeth ddiweddaraf fel gohebiaeth. Lle mae'n berthnasol, mae copiâu o ohebiaeth wedi eu cynnwys fel atodiadau i'r papur hwn.

(i) P-03-067 Tir y 'Miner's Welfare', Ty-Du, Nelson - Llythyr gan y Gweinidog dros yr Amgylchedd, Cynaliadwyedd a Thai

Geiriad y Ddeiseb

Rydym ni, sydd wedi llofnodi'r ddeiseb hon ac sy'n byw ym mhentref Nelson, yn gwrthwynebu'n gryf unrhyw ddatblygiad ar y safle uchod gan yr Adran Menter, Arloesi a Rhwydweithiau. Cafodd Awdurdod Datblygu Cymru'r safle 7.5 erw gan Gyngor Bwrdeistref Sirol Caerffili a oedd wedi'i brynu ar ran yr Awdurdod oddi wrth yr ymddiriedolwyr, heb yn wybod i'r cyn-lowyr lleol, am bris chwerthinlyd o isel. Nid cyn-lowyr oedd yr ymddiriedolwyr hyn ond cyn-gynghorwyr dosbarth lleol.

Mae'r tir hwn bellach yn eiddo i Lywodraeth Cynulliad Cymru a gofynnwn iddi ddychwelyd tir y 'Welfare', sydd bellach yn ardal wledig agored sy'n llawn harddwch naturiol, coed hynafol, coetir, gwyrchoedd a bywyd gwyllt amrywiol, i eiddo trigolion y pentref i'w ddefnyddio gennym ni a chenedlaethau i ddod. Dyna oedd bwriad y glowyr lleol pan fu iddynt brynu'r tir hwn a thalu amdano. Rydym eisoes wedi cyflwyno deiseb i Gyngor Bwrdeistref Sirol Caerffili'n galw arno i hepgor y tir o'i Gynllun Datblygu Lleol.

Cefndir

Bu'r Pwyllgor yn ystyried y ddeiseb hon am y tro cyntaf yn ei gyfarfod ar 20 Medi 2007. Derbyniodd bapur gan wasanaeth cyfreithiol Gwasanaeth Seneddol y Cynulliad ar 22 Tachwedd 2007, a chytunwyd i ysgrifennu at y Gweinidog dros yr Amgylchedd, Cynaliadwyedd a Thai, a Dirprwy Brif Weinidog Cymru.

Derbyniodd y Cadeirydd ymateb gan y Gweinidog dros yr Amgylchedd, Cynaliadwyedd a Thai ar 10 Chwefror 2008. Bu'r Pwyllgor yn trafod hyn yn ei gyfarfod ar 21 Chwefror 2008, a chytunwyd i aros am y wybodaeth ddiweddaraf gan y Gweinidog.

Ers y cyfarfod hwn, mae'r Dirprwy Brif Weinidog wedi ysgrifennu at y Cadeirydd ar 19 Chwefror 2008. Mae copi o'r llythyr hwn i'w weld fel atodiad PET(3) 04-08 Papur 5A.

(ii) P-03-072 Y Mesur Gofalwyr Ifanc - Llythyr gan y Dirprwy Weinidog dros Blant

Geiriad y Ddeiseb

'Yr ydym ni, y cynrychiolwyr sydd wedi arwyddo isod, yn deisebu Cynulliad Cenedlaethol Cymru i roi cyfrifoldeb penodol ar awdurdodau lleol i Adnabod ac i roi Cymorth i Ofalwyr Ifanc: awgrymwn mai'r ffordd orau o wneud hyn fyddai cynnwys pennod arbennig ar y pwnc ym Mesur arfaethedig y Cynulliad ar Fynd i'r afael â Thlodi Plant a Helpu Plant sy'n Agored i Niwed.

Cefndir

Bu'r Pwyllgor yn ystyried y ddeiseb hon am y tro cyntaf yn ei gyfarfod ar 4 Hydref 2007.

Bu'r Pwyllgor yn ystyried ymateb a dderbyniwyd gan Gadeirydd y Pwyllgor ar y Gorchymyn ynghylch Plant sy'n Agored i Niwed yn y cyfarfod ar 22 Tachwedd, a chlywyd tystiolaeth gan y deisebwyr yn y cyfarfod ar 6 Rhagfyr 2008.

Cytunodd y Pwyllgor i ysgrifennu at y Gweinidog dros Blant, Addysg, Dysgu Gydol Oes a Sgiliau i ofyn a fyddai'r Gorchymyn Cymhwysedd Deddfwriaethol ynghylch Plant sy'n Agored i Niwed, os caiff ei basio, yn darparu'r cymhwysedd deddfwriaethol angenrheidiol ar gyfer Mesur yn y dyfodol, fel y gofynnir amdano yn y ddeiseb hon.

Ymatebodd y Dirprwy Weinidog dros Blant ar 15 Chwefror 2008. Mae ei llythyr yn nodi:

'I can confirm that the LCO has broad coverage for all children and young people up to 25 years of age, including young carers. The LCO could therefore provide scope for a measure to place a specific responsibility on local authorities to identify and support young carers. I must emphasise that any such measure would be subject to the support and approval of the Welsh Assembly Government and the National Assembly for Wales.'

Mae copi o'i llythyr i'w weld fel atodiad PET(3) 04-08 Papur 5B.

(iii) P-03-080 Hen Dy'r Ysgol

Geiriad y Ddeiseb

'Hoffwn alw ar Gynulliad Cenedlaethol Cymru i ofyn bod Llywodraeth Cynulliad Cymru yn diddymu'r penderfyniad a wnaed gan y Swyddfa Gymreig ym 1989, i gyflwyno Offeryn Statudol yn rhoi'r hawl i Ymddiriedolaeth Esgobaeth Bangor gael gwared â'r eiddo a elwir Hen Ysgol a Thŷ'r Ysgol, Caergeiliog.'

Cefndir

Bu'r Pwyllgor yn ystyried y ddeiseb hon am y tro cyntaf ar 31 Ionawr 2008. Cytunwyd i aros am ragor o gyngor cyfreithiol cyn penderfynu pa gamau i'w cymryd.

Mae'r prif ddeisebwr wedi nodi bod ei ddeiseb yn seiliedig ar dystiolaeth y gall ef ei ddarparu sy'n cwestiynu perchnogaeth yr eiddo hwn. Mae'r deisebwr wedi gofyn am ganiatâd i gyflwyno'i achos i'r Pwyllgor, gan ei fod yn teimlo mai dyma'r unig ffordd y gellir egluro'i ddeiseb yn llawn.

(iv) P-03-087 Tyrbinau Gwynt

Geiriad y Ddeiseb

'Deiseb tyrbinau gwynt i Gynulliad Cenedlaethol Cymru

Oherwydd

1. Bod Cymru'n hunanddigonol o ran ei chapasiti ynni; mae arbed ynni'n fuddsoddiad mwy cynaliadwy na chynhyrchu ynni;
2. bod gan Gymru, o bosibl, gyfleoedd unigryw i gyfrannu at ddatblygiad cynaliadwy drwy e.e. llosgi glo yn lân a gweithgynhyrchu celloedd solar;
3. y dylai prosiectau ynni gael eu rheoli gan bobl leol yn hytrach na datblygwyr;
4. bod canllawiau presennol y DTI a'r UE ynghylch codi tyrbinau yn ddrsyld, yn gamarweiniol, yn hen ac o bosibl yn beryglus;
5. bod TAN 8 sef hybu tyrbinau gwynt mewn cymunedau bychain gwledig gan Gynulliad Cymru yn ymrannol, yn anodd ei reoli ac yn wrthgynhyrchol;

Rydym ni sydd â'n llofnodion isod yn erfyn ar Gynulliad Cymru i ailystyried ei bolisi ynni, yn enwedig o ran hybu tyrbinau gwynt enfawr.

Aelodau'r Cynulliad, ataliwch os gwelwch yn dda ganllawiau TAN 8 ar dyrbinau gwynt mewn cymunedau gwledig a'u hailystyried.

Cefndir

Bu'r Pwyllgor yn ystyried y ddeiseb hon am y tro cyntaf yn ei gyfarfod ar 13 Ionawr 2008. Yn y cyfarfod hwn cytunodd y Pwyllgor i ysgrifennu at y Gweinidog dros yr Amgylchedd, Cynaliadwyedd a Thai i ofyn am y wybodaeth ddiweddaraf am yr adolygiad arfaethedig o Nodyn Cyngor Technegol (TAN) 8: Cynllunio ar gyfer Ynni Adnewyddadwy

Ysgrifennodd y Gweinidog at y Cadeirydd ar 17 Chwefror 2008. Yn ei llythyr, mae'r Gweinidog yn nodi bod drafft ymgynghori o drywydd ynni adnewyddadwy i gael ei gyhoeddi. Cafodd hwn ei lansio ar ôl hynny, ac mae ar gael o wefan Llywodraeth Cynulliad Cymru.

Yn benodol mewn perthynas â TAN 8, mae'r Gweinidog yn nodi ymhellach:

'pan fydd cyd-destun y polisi ynni cyffredinol wedi'i gwblhau, gan gynnwys unrhyw dargedau wedi'u hadolygu, bydd adolygiad o TAN 8 yn dechrau. Mae hyn yn debygol o ddigwydd ar ddechrau 2009.'

Mae copi o'r llythyr hwn i'w weld fel Atodiad PET(3) 04-08 Papur 5C.